

宗立先生文集卷下

尊五

宗玄先生文集卷下

尊五

覽古詩 十四首

聖人重周濟明道欲救時孔席不暇暖墨突
何嘗緇興言振頽綱將以有所維君臣竟淫
惑風俗日凋衰三代業遽隕七雄遂交馳庶
物墜塗炭區中若棼絲秦皇燎儒術方冊靡
子遺大漢立五葉斯文復崇推乃驗經籍道
與世同屯夷弛張固天意設教安能持
興亡道之運否泰理所全奈何溥古風既往
不復旋三皇已散朴五帝初尚賢王業與霸

功浮僞日以宣忠誠及狙詐殺混安可甄餘
智入九霄守愚淪重泉永懷巢居時感涕徒
泫然

棟宇代巢穴其來自三皇跡生固爲累經始
增百王瑤臺旣滅夏瓊室復隕湯覆車世不

第五

悟秦氏興阿房繼踵迷反正漢家策建章力
役弊萬人瓌竒殫八方徇志仍未極促齡已
云亡侈靡竟何在荆榛生廟堂

閑居覽前載惻彼商與秦所殘必忠良所寶
皆兇器耽諛方自聖不悟禍滅身箕子作周

輔孫通爲漢臣洪範及禮儀後王用經綸
吾觀采苓什復感青蠅詩讒佞亂忠孝古今
同所悲姦邪起狡猾骨肉相殘夷漢儲殞江
充晉嗣滅驪姬天性猶可間君臣固其宜子
骨烹吳鼎文種斷越鉞屈原沉湘流厥感誠
自貽何不若范蠡扁舟無還期

嘗稽真仙道清寂祛衆煩秦皇及漢武焉得
遊其藩情擾萬幾屑位驕四海尊旣欲先宇
宙仍規後乾坤策高與久遠物莫能兩存矧
乃恣所慾荒淫伐靈根金膏特延期玉卮復

動魂征戰窮外域殺傷被中原天鑒諒難誣
神理不可諉安期返蓬萊王母還崑崙異術
終莫結悲哉竟何言

魯侯所政術尼父從棄捐漢主思英才賈生
亦排遷始皇重韓子及覩乃不全武帝欽相
如旣徵復忘賢貴遠世咸爾賤今理共然方
知古來士難以効當年

尊五

食其昔未遇落魄為狂生一朝君臣契雄辯
何縱橫運籌康漢業憑軾下齊城旣以智所
達還為智所烹豈若終賤貧酣歌本無營

晁錯抱遠策爲君納良規制彼諸侯權永用
得所宜姦臣負舊隙乘豐謀相危世主竟不
辨身戮宗且夷漢景稱欽明濫罰猶如斯比
干與龍逢殘害何足悲

絳侯成大績賞厚位仍尊一朝對獄吏榮辱
安可論蘇生佩六印弈弈爲殃源主父食五
鼎昭昭成禍根李斯佐二辟巨豐鍾其門霍
孟翼三后伊感及後昆天人忌盈滿茲理固
未存方知得意者何必乘朱輪滅景棲遠壑
弦歌對清罇二踈返濱海蔣詡歸林園瀟灑

去物累此謀誠足敦

至人順通塞委命固無疵吾觀太史公可謂
識道規留滯焉足憤感懷殄生涯吾歎龔夫
子秉義確不移晦跡一何晚天年天當時薰
膏自銷爍楚老空餘悲達者貴量力至人尚

尊五

三

知幾京房洞幽贊神奧咸發揮如何疾元惡
不悟禍所歸謀物闇謀已誰言爾精微

玄元明知止大雅尚保躬茂先洽聞者幽蹟
咸該通弱年賦鷦鷯可謂達養蒙晚節希鸞
鵠長飛唳層穹知進不知退遂令其道窮伊

昔辯福初胡為迷禍終方驗嘉遁客永貞天壤同

聖人垂大訓奧義不苟設天道殃頑兇神明
枯懿哲斯言猶影響安得復迴穴鯨艘誕英
睿唐虞育昏孽盜跖何延期顏生乃短折魯
隱全克讓禍機遂潛結

楚穆肆巨逆福柄奚赫烈田恒弑其主祚國
久罔缺管仲存霸功世祖成詭說漢氏方版
蕩羣閹恣邪譎蹇蹇陳蕃徒孜孜抗忠節誓
期區宇靜爰使兇醜絕謀協事靡從俄而返

誅滅古來若茲類紛擾難盡列道遐理微茫
誰爲我昭晰吾將詢上帝寥廓詎躋徹已矣
勿用言忘懷庶自悅

高士詠

易稱君子之道或出或處或默或語蓋出而

語者所以佐時致理處而默者所以居靜鎮
躁故雖無言亦幾於利物豈獨善其身而已
哉夫子曰隱居以求其志行義以達其道所
謂百慮一致殊途同歸者也夫好同惡異人
之常情予自弱年竊尚真隱遠覽先達實怡

我心雖不見古人而餘風可仰是則是徇其
唯嘉遁之士乎故企慕之不足則師友之師
友之不足則詠歌之聊樂我真於是乎在昔
玄晏先生皇甫謐因其所美而著高士傳梁
伯鸞有高士頌愚今有高士詠亦各一時之
尊五
志耳太初渺邈難得而詳洪崖之流無跡可
四
紀故始於混元皇帝終於陶徵君舉其絕倫
明其標的爲五十首以吟諷其德音焉

混元皇帝

玄元九仙主道冠三氣初應物方佐命棲真

亦歸居貽篇訓終古駕景還太虛孔父歎猶
龍誰能知所如

廣成子

廣成臥雲岫緬邈逾千齡軒轅來順風問道
修神形至言發玄理告以從杳冥三光入無
窮寂默返太寧

許先生

大名賢所尚寶位聖所珍皎皎許仲武遺之
若纖塵棄瓢箕山下洗耳潁水濱物外兩寂
寞獨與玄冥均

樊先生

巢父志何遠潛精人莫知恥聞讓王事飲犢
方見移不欲散大朴焉能為堯師鍊真自輕
舉浮世何足遺

栢成子高

尊五

五

大禹受禪讓子高辭諸侯退躬適外野放浪
夫何求萬乘造中畝一言良見酬俛俛耕不
顧斯情邈難儔

臧丈人

臧叟隱中壑垂綸心浩然文王感昔夢授政

道斯全一遵無爲術三載淳化宣功成遂不
處遁跡符冲玄

伯夷叔齊

夷齊互崇讓棄國從所欽聿來及宗周乃復
非其心世濁不可處冰清首陽岑采薇詠義
農高義越古今

南華真人

南華源道宗玄遠故不測動與造化遊靜合
太和息放曠生死外逍遙神明域況乃資丸
丹輕舉歸太極

冲虚真人

冲虚冥至理體道自玄通不受子陽祿但飲
壺丘宗泠然竟何依撓挑遊太空未知風乘
我爲是我乘風

洞靈真人

亢倉致虛極潜跡依遠岫智去愚獨留日虧
歲方就鄉人謀尸祝不欲聞俎豆尚賢非至
理堯舜固爲陋

通玄真人

通玄貴陰德利物非市朝悠然大江上散髮

揮輕撓已陳緇帷說復表滄浪謠滅跡竟何
往遺文獨昭昭

文始真人

文始通道源含光隱關吏遙欣紫氣浮果驗
真人至玄誥已云錫世榮何足累高步三清

第五

六

境超登九仙位

榮啓期

榮期信知止帶索無所求外物非我尚琴歌
自優遊三樂通至道一言醉孔丘居常以待
終嘯傲夫何憂

長沮桀溺

賢哉彼沮溺避世全其真
孔父棲棲者征途方問津
行藏既異跡語默豈同倫
耦耕長林下甘與鳥雀羣

顏闔

世情矜寵譽劬節徼當時
顏闔遵無名飯牛聊自怡
逃聘鄙束帛鑿坏欣茅茨
託聘囂塵表放浪世莫知

老萊夫妻

萊氏道已遠懿妻德彌清
一遁四品煩趣永契

雲壑情祿位非所重拂衣遂遐征杳然從我
願豈為物所撓

楚狂接輿夫妻

接輿耽冲玄伉儷亦真逸傲然辭徵聘耕績
代祿秩鳳歌誠文宣龍德遂隱密一遊峨岷

上千載保靈術

尊五

鄭商人弦高

卓哉弦高子商隱獨標竒侷謀全鄭國矯命
犒秦師賞神義不受存公滅其私虚心貴無

名遠跡居九夷

柳下惠

展禽抱純粹滅跡和光塵高情遺軒冕降志
救世人百行既無點三黜道彌真信謂德超
古豈唯言中倫

荷蓀晨門

荷蓀隱耕藝晨門潛抱關道尊名可賤理恆
心彌閑混跡是非域縱懷天地間同譏孔宣
父匿景杳不還

漢陰丈人

野哉漢陰叟好古遂忘機抱甕誠亦勤守朴

全道微子貢初不達聽言識其非已爲風波
人怵惘失所依

於陵夫妻

皎皎於陵子已賢妻亦明安茲道德重顧候
浮華輕琴書方爲務祿位不可榮逃跡終灌
園誰能達世情

太項橐

太項冥虛極微遠不可究橐量合太初返形
寄童幼孔父慙至理顏生賴真授泛然同萬
流無跡世莫觀

太伯延陵

太伯全至讓遠投蠻夷間延陵嗣高風去國
不復還尊榮比蟬翼道義侔崇山元規與峻
節歷世無能攀

壺丘子

尊五

壺丘道爲量玄虛固難知季咸曜淺術禦寇
初深疑至人忘禍福感變靡定期太沖杳無
朕元化誰能知

段干木

干木布衣者守道杜衡門德光義且富肯易

王侯尊魏主欽其賢軾廬情亦敦秦兵遂不
舉高臥爲國藩

魯仲連

仲連秉竒節釋難含道情一言却秦圍片札
降遼城辭金義何遠讓祿心益清處世功已

立拂衣蹈滄溟

顏歎

高哉彼顏歎逸氣陵齊宣道尊義不屈士重
王來前榮祿安可誘保和從自然放情任所
尚長揖歸山泉

周豐

周豐貴隱耀靜默尊無名魯侯詢政體喻以
治道精莅人在忠慤疑叛由會盟一言達至
義千載良為程

師金

尊五

聖人貴素朴禮義非玄同師金告顏生可謂
達化宗夫子飾芻狗自然道斯窮應物方矯
行俯仰靡不通

九

南郭子綦

子綦方隱机冥寂久灰心悟來應顏游清義

杳何深含響盡天籟有言同轂音是非不足
辯安用勞神襟

黔婁先生

黔婁蘊雅操守約遺代華淡然常有怡與物
固無瑕哲妻配明德旣沒辯正邪辭祿乃餘
貴表謚良可嘉

原憲

原生何淡漠觀妙自怡性蓬戶常晏如弦歌
樂天命無財方是貧有道固非病木賜欽高
風退慙車馬盛

商山四皓

萬方厭秦德戰伐何紛紛
四皓同無為丘中
臥白雲自漢成帝業
一來翼儲君知幾道可
尚隱括成元勳

河上公

邈邈河上叟無名契虛冲
靈關暢玄旨萬乘
趨道風寵辱不可累
飄然在雲空獨與造化
友誰能測無窮

東方曼倩

東方稟易象翫世隱
廊廟棲心抱清微
混跡

秘光耀玄覽寄數術納規在談笑賣藥五湖
中還從九仙妙

嚴君平

漢皇舉遺逸多士咸已寧至德不可拔嚴君
獨湛冥卜筮訓流俗指歸暢玄經閉關動元
象何必遊紫庭

尊五

+

司馬季主

季主超常倫沉跡寄卜筮宋賈二大夫停車
試觀藝高談哂朝列洪辯不可際終秉鸞鳳
心脩然已遐逝

鄭子真張仲蔚

子真巖石下仲蔚蓬蒿居禮聘終不屈清貧
長晏如志情在耕藝養壽資玄虛至樂非外
物道冥歡有餘

嚴子陵

漢皇敦故友物色訪嚴生三聘迨深澤一來
過帝庭紫宸同御寢玄象驗客星祿位終不
屈雲山樂躬耕

向子平

子平好真隱清淨翫老易探玄樂無爲觀象

驗損益常抱方外心且紆人間跡一朝畢婚
娶五嶽遂長適

韓康

伯休抱遐心隱括自為美賣藥不二價有名
迈深恥安能受玄纁秉願終素履逃遁從所
尚蕭蕭絕塵軌

第五

十一

臺佟管寧

吾嘉臺孝威樂道隱巖穴吾尚管幼安棲真
養高節採藥聊自給觀書任所悅風塵不可
混真素比松雪

高鳳

吾觀時人趣矯跡務馳聲獨有高文通訟田
求醫名公車徒見累爵祿非所縈隱身樂漁
釣世網不可撻

龐德公

龐公棲鹿門絕跡遠城市超然風塵外自得
丘壑美耕鑿勤厥躬耘鋤課妻子保茲永無
患軒冕何足紀

玄晏先生

士安逾弱冠落魄未修飭一朝因感激志學

無寢食著書窮天人辭聘守玄默薄葬信昭
儉可為將來則

孫公和

孫登好淳古卉服從穴居彈琴合天和讀易
見象初終日無愠色恬然在玄虛貽言識叔
夜超跡安所如

董威輦

董京依白社散髮詠玄風心出區宇外跡叅
城市中囂塵不能雜名位安可籠匿影留雅
什精微信難窮

郭文舉

郭生在童稚已得方外心絕跡遺世務棲真
入長林元和感異類猛獸懷德音不憶固無
情斯言微且深

陶徵君

吾重陶淵明達生知止足怡情在樽酒此外
無所欲彭澤非我榮折腰信為辱歸來北窗
下復採東籬菊

宗玄先生文集卷下



